



العرس بالغصب أو في عُمر صغير

أي زول يعرّسو ليهو بالغصب كلام ده بكون جريمة خطيرة في أستراليا

الناس في أستراليا عندهم حرية في العرس، على كيفهم لو دايرين يعرّسو أو مادايرين ويختارو الزول الممكن يعرّسو. عادةً، لازم عمر الزول يكون أكبر من 18 سنة عشان يقدر يعرس حسب القانون. وفي بعض الحالات ممكن الزول العمرو أكبر من 16 سنة يعرّسو ليو زول عمرو أكبر من 18 سنة، لكن كلام ده بكون داير أمر من المحكمة.

بكون كلام مخالف لقانون لمن زول يجبر زول على العرس بالغصب أو يهددو أو يغشو عشان العرس. وبرضو بكون مخالف للقانون أنو الزول يشجع أو يساعد في تنظيم العرس بالغصب، وأنك تكون طرف في العرس بالغصب لو انت ما كنت الضحية. كلام ده بنطبق على العرس القانوني والثقافي والديني.

العرس المرتب ليو، لمن الشخصين بكونو موافقين عليو بحريتهم، بختلف من العرس بالغصب. العرس المرتب ليو قانوني في أستراليا.

لو إنت أو أي زول بتعرفو اتعرضت للخطر اضرب تلفون للبوليس على الرقم ده 000.
ما تخاف من ناس البوليس في أستراليا، ناس ديل كويسين وممكن زول يثق فيهم طوالي
لو انت محتاج مترجم بالمجان إتصل على رقم تلفون ده 131450.

بكون كلام مخالف لقانون لمن زول يمشي مع زول أو يسفرو لبلد تاني عشان يعرّسو ليو بالغصب أو يوكل زول تاني يعمل ليو كده.

أحياناً العرس بالغصب وفي عُمر صغير يرتبط بترحيل الناس لي بلد تاني أو عن طريق الحدود بالقوة وكلام ده بكون برضو مخالف للقانون.

هل أنت أو أي زول بتعرفو معرض للخطر؟

لو انت أو أي زول بتعرفو في خطر أو معرض لخطر بتاع عرس بالغصب أو في عمر صغير، انت ممكن تتصل بالشرطة الفدرالية الأسترالية (AFP) على الرقم 131237 (AFP131) للمساعدة.

ممكن AFP تحافظ على سلامتك، وتقدم ليك مشورة أولية وتحولك إلى خدمات تانية عشان تلقى الدعم، زي السكن والدعم المالي والنصائح والمشورة القانونية ومشورة للهجرة. في معلومات زيادة في موقع AFP على www.afp.gov.au.

في خدمات تانية في أستراليا ممكن تساعدك

My Blue Sky هو الموقع الإلكتروني الأسترالي الوطني وخط المساعدة المخصص للوقاية من العرس بالغصب والمعلومات والإحالات والمشورة القانونية المجانية.

اتصل برقم تلفون ده 9514 8115 (02)، أو رسل رسالة لرقم ده 0481 070 844، أو رسل رسالة إلكترونية إلى help@mybluesky.org.au، أو خش في موقع انترنت بتاع **My Blue Sky** على www.mybluesky.org.au.

1800RESPECT هي خدمة وطنية للاستشارات المتعلقة بالاعتداء الجنسي والعنف العائلي والمنزلي في أستراليا. خدمة دي بتقدم استشارات ومعلومات سرية بالمجان بالتلفون أو الانترنت. مستشارين ديل يستمعو ليك وبجاوبو على الأسئلة بتاعتك وممكن يحولوك إلى خدمات بتاعت دعم تانية في منطقتك المحلية.

اتصل برقم تلفون ده 1800 737 732 أو خش في موقع انترنت بتاع **1800RESPECT** على www.1800RESPECT.org.au.

هل انت محتاج لمترجم؟

اتصل بخدمة بتاعت الترجمة التحريرية والشفهية (TIS) **Translating and Interpreting Service** على الرقم **131 450**. المترجم بتاع TIS ممكن يساعدك في الاتصال بالخدمات الثانية، لكن TIS ما بتقدم استشارات. كل المكالمات بكون مجانية وسرية.

لو انت داير معلومات زيادة عن عرس بالغصب:

خُش في موقع انترنت بتاع وزارة الشؤون الداخلية **www.homeaffairs.gov.au**. وفتش على عرس بالغصب " forced marriage".